

E pefea te kесе o te fakateletele i Niusila

E isi ne mea e mafai o se masani koe kiei mana fakateletele koe i Niusila. Ko mea penei:

- fakatele i te fakamaui
- telefoni tauave kae fakatele e tapu i te tulafono.

Fakamautinoa ke seai ne fakalavelave kae ke fiafia koe i tau malaga kae fakamolemole faitau te tusi fakatomuaga tenei mai mua e kamata tele koe.



TUMAU KI TE FEITU FAKAMAUI



Tumau faeloa te fakatele i te feitu **fakamaui** o te auala. Kafai e fakatele koe i te feitu fakaatamai o te auala i tou atufenua, fakamolemole masaua ke tumau koe ki te feitu fakamaui o te auala i Niusila – e faigofie te puli i a koe te koga e tele koe iei!

TE TUKUUGA TE AVANOAGA KE TELE MA OKO KI SOKOOGA O AUALA

Mo te ukega o auala, kafai koe e piko, tuku te avanoaga ki mea fakateletele katoa ko la e se piko.

Fakaaoga faeloa a sainaaga o tau mea fakateletele manafai koe e piko.

E TAPU TE PIKO FAKAMAUI MA KAA MOLI KULA

I Niusila a koe ka se mafai o piko ki te fakamaui i te sokooga o auala manafai e kula te moli o te auala.

Kafai e piko koe i mooli i te sokooga o auala, tuku muamua te avanoaga ke olo a tino e sasale ki te sua feitu o te auala.

TELEFONI MOPAELE E PUKE I LIMA



A tino fakateletele e tapu manafai e fakaaoga ne latou a telefoni mopaele e puke i lima kae fakatele. E talia fua manafai te telefoni mopaele e se puke ki lima io me e fakamaui fakalei ki te mea fakateletele – kae fakapatelegina fakavave i se taimi toetoe kae se fai soko. Te tusitusi, faitau io me e fai sau tekisi (text) i luga i te telefoni mopaele kae fakatele koe e tapu i te tulafono.

TAIMI OLOOLO MALAGA

E faigofie o fakatamala tatou i te leva o taimi oloolo malaga i Niusila.

Te 'mao e mafai o mata pili i luga i te laupepa, kae e mafai a auala o Niusila o lauliki atu i auala ko masani koe ki ei, io me e tele i luga i koga maugaa kae e kesekese foki pela mo auala o motouei ki auala ko la e se fakalaugatasi kae fatufatua.

Kafai koe ko fita ka lasi atu te mafai o tupu se fakalavelave ki a koe i te auala. Konei a fesoasoani ke mafai koe o tumau te mata ile.

- Ke lava tau fakamaloolo mai mua o taimi e fakatele koe i se malaga mao.
- Manava mai i te fakatele i te taki lua itula.
- Kafai e mafai, fakasolo o fakatele mo se sua tino aka.
- Sa kai lasi kae ke lasi te inuinu.
- Kafai koe ko fia moe, fakatu te ka i se koga lei se fakamataku kae taumafai o moe malie i se taimi e mafai o oko ki te 40 minute.
- Kafai koe ko fita kii loa – sala se koga mo ou moe fakamaloolo i te po katoa.

TE MAKINI O TE FAKATELETELE

A fakailoaga i auala o te makini e fakaasi iei te fakaotiiga ki luga o te makini e mafai o tele koe iei. E isi ne taimi ko mafai o manakogina ke fakatele malie koe manafai e se lei tulaga o te auala, tau o aso io me ko tulaga fakateletele.

E kесеkесе a makini e manakogina i auala valevale o Niusila – onono fakalei ki fakaasiga o te makini i auala.



I te lasiiga o auala o Niusila i fakai i tua o fakai lasi, te makini fakaoti ki luga e 100 km i te itula vagana e isi se fakaasiga e tuu ite auala ke tai fakamalie atu. Te makini i motouei e nofo ki te 100 km i te itula.



Te fakailoaga tenei e fakailoa te makini i tulafono e 100 km/h e fakaoga kae ona ko te auala e se lei mo te makini tena i te vai taimi nei. E mafai o manakogina ke tai fakatele malie koe.



I loto i fakai, te makini masani e 50 km i te itula vagana e isi se fakaasiga e kесе aka tena fakailoaga.

FUSI NOFOAGA



I te tulafono, a tino katoa i loto i te mea fakateletele e tau o fai olotou fusi io me ko fusi fakamau o tamaliki – faitalia me e nofo i mua io me i tua.

Tamaliki mai lalo o te 5 tausaga e 'tau o fakamau a fusi o latou i loto i nofoaga o tamaliki ko la e taliagina ke fakaasiga.

MEA INU MALOSI MO VAILAKAU MALOSI

Sa inu mea inu malosio me e fakaasiga ne koe a vailakau malosio kofakatele iei koe – te tulafono o 'teke atu a uiga penei e fakamalosi kii i loto i Niusila kae ko te fakasalaaga e 'mafa kii.

FAKANOFUOGA MO LAISENE FAKATELETELE

E 'tau o isi sau laisene fakateletele tela e taliagina io me se pemita fakateletele e taliagina i atufenua i tua atu kae e 'tau o isi ia koe i taimi katoa e fakateletele iei koe. Kafai tau laisene io me se pemita e se tusi fakapalagi, e 'tau o isi se fuliiga o ia fakapalagi tela ne fakatoka mai ne:

- se tino e fakapatonugina me e galue mo te fuliiga o te gana i Niusila
- se sui ofisa e galue i te ofisa o te komisina io me ko te konisula o tou fenua, io me
- te ofisa tela e fakatalia ne ia a laisene fakateletele mo fenua ki tua atu (te pemita fakateletele mo fenua ki tua atu e mafai o talia mo fai se fuliiga).

Kafai tou laisene fakateletele i fenua i tua e seki oti tena malosio io me ko tou pemita fakateletele i fenua i tua atu koi taliagina, e mafai ne koe o fakateletele ki se leva e 12 masina mai i te aso tela ne oko mai iei koe ki Niusila.

I taimi katoa e oko mai koe ki Niusila, e mafai ne koe o fakaasiga mo se 12 masina manafai koi isi se malosio o tou laisene fakateletele i fenua i tua atu io me se pemita fakateletele mo fenua i tua atu. E mafai a mea nei manafai a koe e se nofo ki se leva e siliga atu i te tausaga e tasi.

TE TELE FAKASEKE KE TELE KOE MAI MUA O TE SUA MEA FAKATELETELE



I te ukega o auala i Niusila e tasi te auala fano kae e tasi te auala vau. I niisi, e isi ne auala e faopoopo i niisi koga ke mafai ne koe o fakaseke ke tele koe mai mua - konei a koga ka 'tau iei mo koe o fakaaoga ke fakaseke koe ke tele koe mai mua. E tapu lele loa te tele o tau mea fakateletele i luga o laina sega/sama i tou feitu ki te laina i te kogaaloto ko koe ke tele fakaseke i se mea fakateletele o tele ki mua, me i te laina sega/sama tena e fakaasi mai iei me e fakamataku kii te tele fakaseke ki mua i kona.


FAKAOGAAGA FAKATASI O TE AUALA MO TINO TELE I PASIKA TA KI VAE

Tino 'tele i pasika ta ki vae e pau loa olotou saolotooga mo tino fakateletele i auala o Niusila. Fakamalie tau fakatele ma pili ki tino 'tele i pasika ta ki vae, tele malielie fakaseke manafai ko saogalemu, kae taumafai o fakavaa ki se 1.5 mita te mao. Ke lava kae toe te taimi e faka 'ka iei tau sainaaga kae ke amanaia ne koe a auala fakapitoa mo pasika ta ki vae.

TE AUALA E TASI I LUGA I TE PILITI

E uke a auala i Niusila e tasi fua te auala i luga i te piliti tela a mea fakateletele ko la e tele ki te sua feitu e 'tau o fakatali ke oti a mea fakateletele e olo ki te sua feitu mai mua e tele latou.

Soose fakaasiga mai lalo nei e fakaasi atu me ia koe ko tai oko ki te piliti tela e tasi fua te auala iei. Fakamalie tau mea fakateletele kae aasi manafai e isi ne mea fakateletele e aumai mai i te sua feitu.



A fakaasiga konei e lua e fakaasi iei me ia koe e 'tau o tu ke tele mai a niisi mea fakateletele mai i te sua feitu o te piliti.



A te fakaasiga tenei e fakaasi me kafai e seai ne mea fakateletele e aumai mai i te sua feitu, e mafai ne koe o tele i te piliti mo te faeteete.

FAKATELETELE I TAIMI O TE 'TAU MOKO



Onoono fakalei ki fakaasiga tela e fakasino mo te 'mole o te auala i taimi 'to ua io me ko taimi 'moko kii - fakateletele maalie kae sa fakatu fakavave tau mea fakateletele.

A sinou io me ko kati aisa e mafai o fai ne laua a auala ke na atili fakamataku, maise i auala i mauga. A kamupane haea ki tua a olotou mea fakateletele e masani o isi foki ne olotou filifili mo lapa o mea fakateletele manafai e fakatele koe i kogaakoga penei - fai ke iloa ne koe o fakapiki a filifili konei mai mua e fakatele koe ki koga penei.

MANU VAEFAA I LUGA I TE AUALA



Faeteete i manu vaeftaa mai i laumanafa a tino fagai manu i te auala, maise loa i koga fakai i tua atu. Kafai e lavea ne koe, fakamalie kae sa fakatagi tau pu - ka mafai o 'poi iei a latou.

AUALA E 'SE FAKAKOLOATA



Taumafai ke se tele koe i auala penei manafai e mafai. Kafai e tau loa koe o tele iei, masua me e masani o manifi a auala penei. Fakamalie tau tele kae tai fakamalie atu manafai ko pili mai a niisi mea fakateletele i ou mua me ka isi se pefu kae ka mafai o se lavea lei tou auala. E mafai foki o isi ne fatu ka mafai o pakia iei te kilasi o tau mea fakateletele.

TE FAKATU FAKAFESAGAI KI TE 'TELE MAI O MEA FAKATELETELE

I Niusila, e mafai koe o fakasala io me e ave keatea tau mea fakateletele ona me e fakatu ne koe fakafesagai i te feitu 'se o te auala. E mafai fua ne koe o fakatu tau mea fakateletele ke luta tasi mo te auala solo o mea fakateletele (tela ko te feitu fakamaui) vagana se auala e tasi fua te feitu e tele kiei a mea fakateletele.

AUALA SOLO O TINO KI TE SUA FEITU O AUALA 'TELE O TULEINI

Mai i te 1500 o auala solo o tino ki te sua feitu o auala 'tele o tuleini, e aafa fua e isi ne olotou masini fakailoa. Kafai ko 'ka'ka moli kula, tu ke gata te 'ka'ka o moli ko ftoa fano iei koe.

Niisi auala solo o tino ki sua feitu o auala 'tele o tuleini e isi ne sainaaga mo te Fakavaa te auala (Give Way) io me ko te Tu (Stop) iei. Kafai e lavea ne koe se Tu (Stop) sainaaga, tu ko fano iei koe ki te sua feitu manafai ko seai ne tuleini e tele atu. Kafai e lavea ne koe se Fakavaa te auala (Give Way) sainaaga, fakamalie koe kae fakatoka o tu ko fano iei koe ki te sua feitu manafai ko seai ne tuleini e tele atu.





Kafai e manakogina ne fakamatalaaga atili, fakamolemole fesokotaki ki te Ofisa o Fakateletele a Niusila (NZ Transport Agency). E mafai foki ne koe o faitau te tusi o auala o Niusila tela e aofia katoa iei a tulafono o auala o Niusila.



NZ TRANSPORT AGENCY
WAKA KOTAHI

MOTOU FESOKOTAKIIGA

NATIONAL OFFICE

50 Victoria Street
Private Bag 6995
Wellington
New Zealand
Telefoni: +64 4 894 5400
www.nzta.govt.nz

TELEFONI SE TOGI

0800 108 809
(Tefakamauga o mea fakateletele)
0800 822 422
(Te fai o laisene)